

老里八早

上海老运动员沈坚强办了一家游泳俱乐部,游泳俱乐部就辣威海路浪。每趟我走过辰光闻到消毒水漂白粉个味道,我总归想起上世纪70年代,南京西路浪个新城游泳池,伊搭真是小八腊子白相个好地方。

几十年前头,大名鼎鼎个新城游泳池就辣海南京西路成都路口(现在个南证大厦此地块)。

伊辰光一放暑假,去新城游泳是小人个最爱。小人享受学生场优惠,8分洋钿一张游泳票,辣水里泡脱一个钟头,又风凉又可以白相,价廉物美。外加,一个礼拜要去三趟,要么一三五,要么二四六,买连票个。去起来,一般侬是学堂里同学轧好道,一道去;要么是兄弟姐妹大个带小个一道去,大有小八腊子开了个感觉。告咯,一到大热天,新城游泳池门口最闹猛,进进出出侬是个学生子,日场连晚场,有辰光游泳池里人多得像插蜡烛。

新城游泳池个闹猛让隔壁一家两开间个洁民食品店也闹猛起来了。一个钟头一场,一歇歇就起个蓬头。放出来个学生子,侬会轧到店里买点心冷饮吃,店里向就像打翻了田鸡箩,叽叽喳喳,一浪高过一浪。侬买啥,伊买啥,互相之间哇哇商量;有个还要哔[wha]啦哗啦,喂喂,依借我一分洋

# 小八腊子“嘉年华”



配图 / 桑麟康

钿!小朋友头发浪向面孔浪向侬是水。还有一点男小团,拿湿漉漉个毛巾、游泳裤顶了头高头。伊拉喉咙砰砰响,急出乌拉叫,“买买”。柜台外头一层一层小人,伸出来个手捏仔一张湿漉漉钞票,差勿多戳到营业员个面孔浪向。

伊个辰光,大多数大人侬会拨小人一点铜钿,小八腊子个消费水平大概分三个档次,5分一档、一角一档、两角一档。有5分洋钿小朋友就好买一只4分个糖糕,糖糕是三角形个,像大写个英文字母A,黄黄个

油滋滋个甜甜个,也蛮受欢迎。有一角小朋友高级点,可以买一只糖糕,再加六分洋钿个一杯酸梅汤,或者是糖糕加4分洋钿个一根赤豆棒冰,又吃点心又吃冷饮。贰角小朋友就更加高级了,可以吃蛋糕搭仔牛奶,一块圆个清水蛋糕,7分洋钿,再加一瓶可可牛奶,1角3分。或者一只8分个鸡心白元蛋糕,再加一根8分个奶油雪糕。不过大多数小朋友侬是一角个水平。

伊个辰光,洁民食品店店堂间里还有两只火车头,还放了几只凳子,本来是让人家

文 / 丁婷婷

轧朋友个情侣、年纪大个人买了牛奶坐下来慢慢吃个。碰到侬个辰光侬侬拨小八腊子占领。伊拉个白相好像还勿煞念,有个人就头对头坐辣海茄山河;有个人互相之间物物交换,大家尝尝味道,用现在个闲话讲,叫分享,伊拨伊咬口棒冰,伊拨伊咬口糖糕;一面讲一面还要拿手里向滴水个游泳衣裤绞绞干,弄得店堂间里侬是个水。店里向个老师傅就只好拿仔拖畚拖地板,一边拖一边骂:“小鬼头,依看看,人家勿要损死啦?”真个,侬个辰光,依看到侬是一只一只笑歪嘴巴个面孔,扎劲是扎劲得勿得了;依听见是咯咯个笑声。想想也是,又白相,又好有的吃,勿开心又老爷了。

更想勿到后来阿拉学堂里个好几个年纪比我轻个老师侬讲,伊拉小辰光辣新城游泳池里游好泳侬到洁民食品店里买物事吃个。讲起当时个样子,个人还手舞足蹈,味道交关好。伊拉讲侬个辰光侬没在啥个海滩游、欢乐谷侬能个豪华,不过,仍旧是阿拉小八腊子个“嘉年华”。我想,是呀,侬个辰光小人更多是个辣海享受同学之情、手足之情,侬是千金难买个。

现在,辣拉南京路浪再也无没新城游泳池了,再也勿看到洁民食品店了,再也见勿到一群小八腊子蹦蹦跳跳出个开心煞脱个场面了。



## 上海闲话里个『动物』

(2)

眼睛一霎,老母鸡变鸭——形容辰光非常短、老快老突然,眼睛眨了眨,鸡就变成了鸭。(比刘谦还结棍嘛,眼睛一霎,老母鸡变鸭)。

长脚鹭鸶——鹭鸶,腿长又细。形容人长得又高又瘦。

瞎猫碰着死老鼠——瞎猫也能抓到老鼠?而且不费吹灰之力,运气葛真是极好,侥幸啊!

猢猻出把戏——耍猴的人手牵一只猴,一面敲锣,猢猻应着锣声打滚(“翻筋斗”、“倒挂金钩”等等,以此引起大家个兴趣,讨得赏钱。上海话里一般指看人笑话,有幸灾乐祸个意思)。

狗屎倒槽——可以指事体做得勿像样,还可以指老小气个,比如“几块洋钿也勿肯摸出来,勿要介狗屎倒槽好伐……”

上海话里的“动物”几乎可以把十二生肖都囊括了,而且是勿是交关生动形象啊?

又是三天三夜也讲不光个内容,大家可以自家再补充哦。

(选自新民晚报·新民网出品微信“依好上海”,微信号:helloshanghai2013。传播上海文化,服务上海市民。大城小事,记得第一辰光微信“依好上海”哦!参与互动,会有惊喜等着侬)

远开一点

同样是爬藤货,丝瓜最贱。西瓜籽出苗容易,能留到攀藤结瓜的却极少;冬瓜南瓜还好弄些,但也要种到大地里,小心伺候,才能有收成。只有丝瓜,不管场前屋后,路边巷弄,只要丢一粒籽,它就能活得很好。风吹日晒也好,雨打雷劈也好,它都不在乎。一发芽,它就充满活力,不浇水也罢,不施肥也罢,它只是无忧无虑生长壮大。你给它一根竹子最好,你不给竹子,它自己会沿着墙壁、树干、篱笆、柴垛……青青翠翠地朝上窜。

所以在乡下,在镇上,甚至在城里,许多人家都喜欢种丝瓜。有的人家只有一只破脸盆,丝瓜也长得蛮好。丝瓜叶片大,送

## 丝瓜筋

文 / 彭瑞高

给人们一片浓荫;丝瓜收获期长,从夏到秋也吃不完。丝瓜长得快的时节,许多人家都拿它做“当家菜”。东家开洋丝瓜,西邻丝瓜肉片;南门丝瓜炒蛋,北首丝瓜番茄汤……说起丝瓜番茄汤,最好不要忘记加一道手脚:收火时再撒几根榨菜丝,这样,辣味味、酸吼吼,吃起来就更爽口了。

丝瓜老了,还是一宝:籽可以留种;去籽的老丝瓜,就成了丝瓜筋。丝瓜筋可以剪成一段一段,用来洗碗、洗手,去油腻最快。整条的丝瓜筋,更可以用作沐浴的“擦背刷”。男人皮肤粗,容易起痒,如果用丝瓜筋擦背,不消三天工夫,杀痒不算,皮肤还能变得白亮滑净。不相信,你试试看。

沪语童谣

## 老虎变仔喂灶猫

创作 / 王森

前门开开接红包,后门开开收金条。高档礼品堆成山,房产捞下交关套……咔嚓一声手铐响,哭出乌拉进监牢。要问贪官啥卖相?老虎变仔喂灶猫。

## 汰手

创作 / 王成荣

搓啊搓,搓啊搓,汰手心,汰指头,小手汰了香喷喷,后头跟来小狗狗。

闲话闲画

## 世界杯:一展“中国功夫”

文 图 / 阿仁

十几年前,中国人出国开销还用勿上信用卡。大家带足铜钿银子。中国人因此就拨外国瘪三盯牢,一有机会伊拉就会来抢依一票。法国世界杯个辰光,我和几个外地去个记者合租了巴黎台勒维勒区域里个一套三室一厅个公寓。勿算群居,每人一间。台勒维勒,法语,凤凰城个意思。勿是富人区,黑人、白人、阿拉伯人、亚洲人都有,治安相当推扳。“半夜之后勿要上街!”房东关照了又关照。不过,大白天也勿见得保险。一个中国老记早浪向就拨几个小混混用刀逼进了一条小弄堂。被抢走了一万美金。听到消息,阿拉几个还吓没警惕起来。终于,搭我同住个一位西安老记辣回公寓个辰光稀里糊涂进了电梯,就拨两个年轻人一左一右夹牢,刀子顶牢前胸后背。只好举手投降。伊被抢走了一台平板电脑、六千美金。大家后来帮伊去捉强盗,人影子也吓没寻到一个。

每天球赛结束,我要又写又画。房东吓没传真机,我必须走过几条横马路到一家四星宾馆去发传真。侬个辰光常常就是半夜三更,巴黎时间个凌晨一、两点钟。我一个人去,一个人回。为防意外,我上披运动衫,下着灯笼裤,还穿一双老北京个圆口布鞋。哪能看,也是个有点拳脚功夫个中国高人。一天夜里果真就撞见打劫个了。是四五个小鬼头,也就十七八岁。领头个一个岁数大点,身高马大,叽哩呱啦



勿晓得讲点啥。伊拉围上来,打个手势就是要我识相交出钞票来。我急智常常来。我伸手一扬,一叠已经发好个文稿画稿飞到天上。趁伊拉一呆一怔,纵身跳出圈子,先展开双臂,金鸡独立,摆出一个大鹏展翅个造型。马上又收拢双手,张开五指上下摇摆,算是一招螳螂捕食个功架。我是做过三年体育老师个,会一点摔跤擒拿格斗,水平搭浆。但是摆到巴黎黑字隆冬马路上去,真可以叫外国人吃勿煞。几个小赤佬怯胆了,互相使个眼色一哄而

散。我人勿追伊拉,但声音要追上伊拉。拉直嗓门骂了一通上海闲话山门:“要吃生活?想寻死晒棺材?册那!”一通声响早就引出了一群夜店里个食客。看到如此动静,有拍手个、有竖大拇指个,一片喝彩。我俯身收起散落个稿纸,拱手谢过,扬长而去。尽管是三角猫个中国功夫,却也摆平了凤凰城。此后半个月里,再也吓没小混混来惊扰我了。哈哈。开心。